

STADT KOBLENZ

Koblenzer Mundart

En Vurschlag zor Parkplatz-Nut

Oft wierd dä Mensch von heut off morje
vur ärgendein Problem gestellt,
wat stets verbonne es met Sorje.
Dat es nau mol dä Lauf der Welt.

Do netzt kei Heule on kei Schenne,
en harte Noß wierd och geknackt,
mer moß nur irscht en Lösung fenne,
wie mer dat Kend beim Krage packt.

Zentralplatz dä wierd omgekrepelt,
die Blechwüste es net mie do,
vom Fortschritt es dä Platz gestempelt,
fier Dauerparker wärklich schroh.

Mer hat zwar neue Raum erschlosse,
wo jeder stonnweis parke kann,
doch wer hei schafft, dä es verdrosse,
wat fängt dä met zwei Parkstonn an?

Wer nau hei en der Näh doht wohne,
kann helfe doch off jede Fall,
en Fohßmarsch doht sich emmer lohne,
drom loßt dat Roß als mol em Stall!

Am Steuer setze, Gase schlucke,
et beste Peerd gieht do kapott,
dann lewer laafe, als wie hucke,
su bringt mer och die Gase fort.

Katharina Schaaf

Katharina Schaaf
10. August 1964